

| <b>CYNGOR SIR YNYS MÔN</b>                          |  |
|---|--|
| <b>Adroddiad i:</b>                                 | <b>CYNGOR LLAWN</b>  |
| <b>Dyddiad:</b>                                     | <b>26 Chwefror 2015</b>  |
| <b>Pwnc:</b>  | <b>Adroddiad ar yr Adolygiad o Bolisi Masnachu ar y Stryd yr Awdurdod</b>        |
| <b>Aelod(au) Portffolio:</b>                        | <b>Y Cyng. John Arwel Roberts</b>  |
| <b>Pennaeth Gwasanaeth:</b>                         | <b>Jim Woodcock</b>  |
| <b>Awdur yr Adroddiad:</b><br>Rhif Ffôn:<br>E-bost: | <b>Dafydd Merfyn Jones</b><br><b>01248 752847</b><br><b>dmjpp@ynysmon.gov.uk</b> |
| <b>Aelodau Lleol:</b>                               |  |

**A – Argymhelliad/Argymhellion a Rheswm/Rhesymau**  
**I gymeradwyo'r adroddiad a mabwysiadu'r Polisi diwygiedig - yn dilyn Adolygiad o Bolisi Masnachu ar y Stryd yr Awdurdod**

**B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?**

Roedd y polisi cyfredol yn hen ac yn gyfyngol ac oherwydd bod yr Awdurdod wedi mabwysiadu'r Ddeddfwriaeth ers 1982, yr opsiwn gorau oedd adolygu, diwygio a moderneiddio'r Polisi cyfredol.

**C – Am ba reswm y mae hwn yn benderfyniad i'r Pwyllgor Gwaith?**

Mae unrhyw beth sy'n ymwneud â Masnachu ar y Stryd yn fater i'r Cyngor Llawn.

**CH – A yw'r penderfyniad hwn yn gyson â'r polisi a gymeradwywyd gan y Cyngor llawn?**

Ydy – Mae unrhyw weithgareddau sy'n ymwneud â Masnachu ar y Stryd dan y Ddeddf Llywodraeth Leol (Darpariaethau Amrywiol) 1982 gan gynnwys mabwysiadu'r ddeddfwriaeth dan adran 3 a dynodi strydoedd dan baragraff 2 Atodlen 4, yn swyddogaethau i'r Cyngor yn hytrach na'r Pwyllgor Gwaith – a hynny'n unol â rheoliad 3 a pharagraff 17 Rhan B Atodlen 1 Rheoliadau Awdurdodau Lleol (Trefniadau Gweithredol) (Swyddogaethau a Chyfrifoldebau) (Cymru) 2007/399.

**D – A yw'r penderfyniad hwn o fewn y gyllideb a gymeradwywyd gan y Cyngor?**

Nid oes unrhyw gost ychwanegol i'r Awdurdod a gallai'r Policy arwain at gynnydd mewn incwm.

**DD – Gyda phwy wnaethoch chi ymgynghori? sylwadau?****Beth oedd eu**

|   |  |  |
|---|--|--|
| 1 | <b>Prif Weithredwr / Uwch Dim Arweinyddiaeth (UDA)</b><br>(mandadol) | Dim sylwadau   |
| 2 | <b>Cyllid / Adran 151</b><br>(mandadol)                              | Dim sylwadau   |
| 3 | <b>Cyfreithiol / Swyddog Monitro</b><br>(mandadol)                   | Wedi cymeradwyo'r polisi.  |
| 4 | <b>Adnoddau Dynol (AD)</b>   |  |
| 5 | <b>Eiddo</b>   | Cytunwyd i asesu ceisiadau ar eu rhinweddau eu hunain.   |
| 6 | <b>Technoleg Gwybodaeth Cyfathrebu (TGCh)</b>                        |  |
| 7 | <b>Sgriwtini</b>   |  |
| 8 | <b>Aelodau Lleol</b>   | Ni dderbyniwyd sylwadau  |
| 9 | <b>Unrhyw gyrff allanol / arall/eraill</b>                           | Priffyrdd – Wedi cytuno i werthuso pob cais ar ei rinweddau ei hun.<br><br>Asiantaeth Priffyrdd y DU – Wedi cytuno ar y diffiniad o ardaloedd lle na feddir masnachu ar y stryd o gwbl.<br><br>Heddlu – Dim sylwadau |

**E – Risgiau ac unrhyw gamau lliniaru (os yn berthnasol)**

|   |                   |  |
|---|-------------------|--|
| 1 | <b>Economaidd</b> | Y Weledigaeth ydyw creu profiad masnachu ar y stryd sydd yn amrywiol a bywiog, yn ychwanegu gwerth i wead economaidd, cymdeithasol a diwylliannol Môn, ac yn diogelu a gwella ein hamgylchedd, ac yn hyrwyddo cynnyrch a nwyddau lleol yr Ynys |
|---|-------------------|--|

|          |                             |  |
|----------|-----------------------------|--|
| <b>2</b> | <b>Gwrthdodi</b>            | Darparu cyfleon i entrepreneuriaid lleol sefydlu busnesau bychain.   |
| <b>3</b> | <b>Trosedd ac Anhrefn</b>   | Mae'r Polisi newydd wedi arwain at well reolaeth o fasnachu ar y stryd ac eitemau eraill y gellir eu gwerthu neu eu cynnig i'w gwerthu ar yr Ynys. |
| <b>4</b> | <b>Amgylcheddol</b>         | Yr amgylchedd lleol yn cael ei warchod gydag Amodau.   |
| <b>5</b> | <b>Cydraddoldebau</b>       |  |
| <b>6</b> | <b>Cytundebau Canlyniad</b> |  |
| <b>7</b> | <b>Arall</b>                | Cynorthwyo Safonau Masnach a Phriffyrdd mewn perthynas â gwerthu cerbydau ar ochr y lôn.   |

#### **F - Atodiadau:**

Atodiad A –  
Atodiad B – Y Polisi cyfredol

#### **FF - Papurau Cefndir (cysylltwch os gwelwch yn dda gydag awdur yr Adroddiad am unrhyw wybodaeth bellach):**

Deddf Llywodraeth Leol (Darpariaethau Amrywiol) 1982  
Deddf Priffyrdd 1980  
Deddf Cyfiawnder Troseddol 1982  
Deddf Pedleriaid 1871 & 1881  
Cyfarwyddyd Gwasanaethau'r Undeb Ewropeaidd 2006/123/EC  
Deddf Gwerthu Nwyddau 1979  
Deddf Gwerthu a Chyflenwi Nwyddau 1994  
Rheoliadau Gwerthu a Chyflenwi Nwyddau i Gwsmeriaid 2002  
Adolygiad yr Adran Fusnes, Arloesedd a Sgiliau 2014/15  
Deddf Mewnfudo, Ceisio Lloches a Chenedligrwydd 2006  
Deddf Trwyddedu 2003

# **ATTODIAD A** Cyngor Sir Ynys Môn

## Polisi Masnachu ar y Stryd



CYNGOR SIR  
YNYS MÔN  
ISLE OF ANGLESEY  
COUNTY COUNCIL

### **Y Weledigaeth**

1. Cyflwyniad
2. Egwyddorion Masnachu ar y Stryd
3. Cyflwyno Cais
4. Asesu Safle
5. Archwilio'r uned Masnachu ar y Stryd
6. Penderfynu ar y Cais
7. Gwrthwynebiad i'r Cais
8. Cymeradwyo'r Cais
9. Mater / Adolygu Caniatadau Masnachu ar y Stryd
10. Gwrthod Ceisiadau ac Apeliadau
11. Gwybodaeth Gyffredinol ynglŷn â Masnachu ar y Stryd
12. Mynediad gan Awdurdod a Swyddogion yr Heddlu
13. Gorfodi Masnachu ar y Stryd

### **Atodiadau**

- A. Strydoedd ac Ardaloedd a Waharddwyd
- B. Cofrestr o'r Ymgylgoreion
- C. Strwythur Ffioedd

CC-14562-LB/193934

## D. Amodau Masnachu ar y Stryd

# Polisi Masnachu ar y Stryd Cyngor Sir Ynys Môn

## Y Weledigaeth

Creu profiad masnachu ar y stryd sydd yn amrywiol a bywiog, yn ychwanegu gwerth i wead economaidd, cymdeithasol a diwylliannol Môn, ac yn diogelu a gwella ein hamgylchedd, ac yn hyrwyddo cynnyrch a nwyddau lleol yr Ynys.

## Y Polisi

### 1. Cyflwyniad

Mabwysiadwyd y Polisi hwn er mwyn rheoli masnachu ar y stryd ac mae'n nodi safonau Ynys Môn [yr Awdurdod] ar gyfer penderfynu ar geisiadau am weithgareddau masnachu ar y stryd ym Môn, a'u gorfodi.

Mae'r Awdurdod wedi mabwysiadu Atodlen 4 Deddf Llywodraeth Leol (Darpariaethau Amrywiol) 1982 i reoli masnachu ar y stryd ym mhob rhan o'i ardal. Mae'r Awdurdod wedi dynodi'r holl strydoedd ym Môn fel "Strydoedd Caniatâd" i bwrpasau masnachu ar y stryd. Effaith y dynodiad hwn yw bod masnachu ar y stryd mewn unrhyw stryd caniatâd ym Môn wedi'i wahardd, yn amodol ar yr eithriadau cyfreithiol, heb yn gyntaf dderbyn caniatâd i fasnachu gan yr Awdurdod.

Oherwydd rhesymau diogelwch yn bennaf bydd rhai ardaloedd yn cael eu diffinio fel "strydoedd gwaharddedig" lle na fydd unrhyw fasnachu yn cael ei ganiatáu, ac mae Priffordd yr A55 yn esiampl o hynny. Gellir gweld rhestr lawn yn Atodiad A y Polisi hwn.

Bydd yr Awdurdod yn defnyddio'r Polisi hwn mewn perthynas â gweithgareddau masnachu ar y stryd yn ei ardal er mwyn sicrhau cysondeb o ran gwneud penderfyniadau. Fodd bynnag, bydd pob cais neu dramgwyddiad yn cael ei ystyried ar ei rinweddau ei hun fel y gellir, lle mae hynny'n briodol, gymryd amgylchiadau unigol i ystyriaeth.

### 1.1 Amcanion

Bydd yr Awdurdod yn ymgymryd â'i swyddogaethau yng nghyswllt rheoli gweithgareddau masnachu ar y stryd yn ei ardal, er mwyn diogelu'r cyhoedd, drwy hyrwyddo'r amcanion trwyddedu a ganlyn (ac mae pob un ohonynt o bwysigrwydd cyfartal):

Hyrwyddo ac annog profiad stryd cadarnhaol i'r masnachwr a'r cyhoedd;  
Sicrhau bod masnachwyr yn gweithredu o fewn y gyfraith ac yn gweithredu'n deg yn eu hymwneud â'r cyhoedd;  
Hyrwyddo delwedd yr Ynys;  
Hyrwyddo, diogelu a gwella safonau diogelwch bwyd, iechyd a diogelwch, a rheolaeth amgylcheddol;  
Rhwydro a darganfod pob math o niwsans statudol, arferion anniogel ac ymddygiad gwrthgymdeithasol;

Hyrwyddo trefn gyhoeddus, atal niwsans cyhoeddus, diogelwch y cyhoedd ac atal trosedd ac anhrefn.

Hyrwyddo amgylchedd masnachu teg a diogel i gwsmeriaid a masnachwyr fel ei gilydd.

### 1.2 Diffiniad o Fasnachu ar y Stryd

Diffinnir masnachu ar y stryd fel gwerthu, dangos neu gynnig nwyddau i'w gwerthu ar y stryd. Mae'r diffiniad o "stryd" fodd bynnag, yn eang iawn ac mae'n cynnwys unrhyw ffordd, llwybr troed, traeth neu ardal arall lle y mae gan y cyhoedd hawl mynediad iddynt heb dalu ac ardaloedd gwasanaeth fel a ddiffinnir dan Adran 329 Deddf Priffyrdd 1980.

Bydd angen cael caniatâd ysgrifenedig gan y perchennog i fasnachu ar dir preifat, ac efallai y bydd angen caniatâd cynllunio cyn y gellir ystyried unrhyw gais ynghyd ac, yn ogystal, bydd angen caniatâd a gan yr Adain Eiddo os mai'r Awdurdod yw perchennog y tir.

### 1.3 Dim angen cael caniatâd

Mae rhai mathau o fasnachu wedi eu heithrio'n gyfreithiol o'r angen i gael caniatâd masnachu ar y stryd; maent yn cynnwys:

Unrhyw beth a wneir mewn marchnad neu ffair a weithredir ac a gymeradwyir gan yr Awdurdod.

Masnach gan berson yn gweithredu fel Pedler o dan Awdurdod tystysgrif pedler a roddwyd, o dan Ddeddf Pedleriaid 1871, gan Heddlu Gogledd Cymru.

Masnachu gan werthwr papurau newydd yn gwerthu papurau newydd a chylchgronau mewn amgylchiadau penodol.

Masnachu a wneir mewn eiddo a ddefnyddir fel gorsaf gwerthu petrol neu a wneir mewn eiddo a ddefnyddir fel siop neu mewn stryd yn gyfagos i'r eiddo a ddefnyddir felly ac fel rhan o'r busnes neu'r siop.

Masnachu a wneir gan "ddosbarthwr": er enghraifft byddai dyn llefrith gyda chwsmeriaid penodol, cylch dosbarthu penodol sy'n danfon nwyddau ar archeb yn cael ei ddiffinio fel masnachwr. ***Ni fydd faniau hufen iâ yn cael eu cynnwys yn y categori hwn a disgwylir iddynt gael caniatâd.***

Deiliaid preswyl yn gwerthu pethau o fewn cwrtill eu heiddo.

## 2. Egwyddorion Masnachu ar y Stryd

Yn unol â'r Amcanion a amlygwyd uchod mae'r Awdurdod wedi ymrwymo i weinyddu'r swyddogaeth masnachu ar y stryd yn unol â'r egwyddorion allweddol canlynol:

- (a) Bydd yr Awdurdod yn ystyried pob cais ar ei rinweddau ei hun
- (b) Bydd yr Awdurdod yn annog masnachwyr lleol fydd yn gwerthu cynnyrch neu gynhyrchion lleol
- (c) Bydd yr Awdurdod yn annog masnachwyr sy'n cynnig opsiynau bwyd iach er mwyn cefnogi cwsmeriaid i wneud dewisiadau bwyd iach
- (d) Ni fydd yr Awdurdod yn caniatáu masnachu ar y stryd yng nghyffiniau ysgolion yn ystod oriau ysgol
- (e) Bydd yr Awdurdod yn cefnogi masnachu ar y stryd sy'n gwella ffyniant a llewyrch lleoliad penodol

CC-14562-LB/193934

- (f) Ni fydd yr Awdurdod yn caniatáu masnachu ar y stryd os gallai hynny gael effaith andwyol ar ddiogelwch y cyhoedd ar y briffordd
- (g) Ni fydd yr Awdurdod yn caniatáu masnachu ar y stryd os bydd hynny'n cael effaith andwyol ar fwynderau oherwydd sŵn, rhwystr, arogleuon, sbwriel neu unrhyw niwsans cyhoeddus arall gan gynnwys ychwanegu at unrhyw broblemau tagfeydd traffig.
- (h) Bydd yr Awdurdod yn rheoli masnachu ar y stryd er mwyn sicrhau tegwch i weithredwyr busnesau cyfredol ac i osgoi cystadleuaeth uniongyrchol i gynnyrch neu gynhyrchion sydd eisoes ar gael mewn lleoliad
- (i) Bydd yr Awdurdod yn gweithio mewn partneriaeth â'r Heddlu a sefydliadau eraill er mwyn sicrhau na fydd masnachu ar y stryd yn annog nac yn hyrwyddo gweithgaredd anghyfreithlon
- (j) Ni fydd yr Awdurdod yn rhagfarnu yn erbyn unrhyw ymgeisydd ar sail hil, rhyw, rhywedd nac anabled
- (k) Bydd yr Awdurdod yn pennu ffi ar gyfer rhoi trwydded a chaniatâd i fasnachu ar y stryd er mwyn cwrdd â'r gost o ddarparu'r system reoleiddio
- (l) Ni fydd caniatâd yn cael ei roi ond os yw'r awdurdod neu'r caniatâd sydd ei angen dan unrhyw ddeddfwriaeth arall lle bo hynny'n briodol eisoes wedi'i sicrhau ar gyfer y gweithgaredd. Mae hyn yn cynnwys; caniatadau cynllunio, trwyddedau lluniaeth yn hwyr gyda'r nos a chofrestru eiddo bwyd. Dylai ymgeiswyr wneud ymholiadau gyda'r awdurdod priodol cyn cyflwyno cais. Mae rhestr o ymgylgoreion ynghlwm yn Atodiad B.
- (m) Ni fydd yr Awdurdod fel arfer ond yn caniatáu i un masnachwr ddal caniatâd mewn lleoliad penodol, oni bai bod yr ail ymgeisydd yn dymuno masnachu mewn nwyddau gwahanol neu pan drefnir digwyddiad arbennig ac o bosibl pan fo "masnachwr symudol" yn llonydd am lai na 15 munud ac nad yw'n dychwelyd i'r ardal am o leiaf ddwy awr.
- (n) Ni fydd yr Awdurdod yn rhoi trwydded / caniatâd stryd i berson sydd o dan 17 oed.

### **3 Cyflwyno'r Cais**

- 3.1** Tystysgrif datgelu GDG sylfaenol ddim llai na chwe mis oed ar gyfer pob gweithiwr, i'w chyflwyno gyda phob cais. Bydd unrhyw euogfarnau neu ymddygiad troseddol a brofwyd yn cael eu hasesu yn erbyn polisi euogfarnau'r Awdurdod mewn perthynas â cheisiadau eraill am drwyddedau.
- 3.2** Ffi ymgeisio gychwynnol na ellir ei had-dalu ac i'w gweld yn yr Atodlen a restrir yn Atodiad C. Yn dilyn derbyn y caniatâd a chyn ei ryddhau, rhaid talu balans y ffi, neu wneud cytundeb debyd uniongyrchol i dalu drwy gyfraniadau chwarterol.
- 3.3** Lle mae'r gweithgaredd masnachu ar y stryd arfaethedig yn un ar safle sefydlog, rhaid cael cynllun safle (i raddfa) yn dangos yr union safle masnachu a pha mor agos ydyw at lefydd adwerthu eraill tebyg o fewn radiws 100 metr.
- 3.4** Un ffotograff lliw o unrhyw stondin, van, berfa, cert ac ati fydd yn cael eu defnyddio ar gyfer y gweithgaredd masnachu ar y stryd.
- 3.5** Copi o'r rhybudd a gymeradwywyd i'w arddangos ar yr uned neu ar y safle arfaethedig.
- 3.6** Tystysgrif yswiriant wreiddiol sy'n diogelu'r gweithgaredd masnachu ar y stryd rhag risgiau atebolrwydd cyhoeddus a thrydydd parti hyd at uchafswm o £5,000,000.

- 3.7** Caniatâd ysgrifenedig gan berchennog tir os yw'r gweithgaredd masnachu ar y stryd i ddigwydd ar dir mewn perchnogaeth breifat. Os yw'r tir ym mherchnogaeth yr Awdurdod rhaid cael caniatâd ysgrifenedig gan yr Adran Gwasanaethau Eiddo.
- 3.8** Unrhyw ganiatadau a roddwyd yn barod yng nghyswllt y gweithgaredd arfaethedig e.e. caniatâd cynllunio, trwydded eiddo, lluniaeth yn hwyr gyda'r nos ac / neu gytundeb cael gwared ar wastraff.
- 3.9** Rhestr lawn a chynhwysfawr o'r nwyddau sydd i'w gwerthu neu eu masnachu

Dylai ymgeisydd am y grant, amrywio neu adnewyddu Caniatâd Masnachu ar y Stryd wneud cais, naill ai ar-lein i: [www.licensing@caerphilly.gov.uk](mailto:www.licensing@caerphilly.gov.uk), neu'n uniongyrchol i:

Yr Adain Drwyddedu, Adran Gwarchod y Cyhoedd, Cyngor Sir Ynys Môn, Swyddfeydd y Cyngor, Llangefni, Ynys Môn LL77 7TW [trwyddedu@ynysmon.gov.uk](mailto:trwyddedu@ynysmon.gov.uk) Ffôn 01248 752840  
Ni fydd cais am Ganiatâd Masnachu ar y Stryd yn un y gellir rhoddi caniatâd dealliedig iddo, oherwydd y mae er budd y cyhoedd bod yr awdurdod hwn yn gorfod prosesu cais cyn y gellir rhoi caniatâd. Ein nod yw prosesu ceisiadau o fewn 28 diwrnod.

Os na fyddwch wedi clywed gennyf erbyn yr amser hwnnw, cysylltwch â'r Awdurdod os gwelwch yn dda.

Ni ellir trosglwyddo Caniatâd Masnachu ar y Stryd. Bydd unrhyw newid a fwriedir yn y math o gerbyd neu stonid i'w defnyddio, y nwyddau sydd i'w gwerthu, yr amseroedd a'r dyddiad gweithredu, neu union leoliad safle'r masnachu, angen cais i amrywio'r Caniatâd Masnachu ar y Stryd.

Cyn y rhoddir Caniatâd Masnachu ar y Stryd neu ei adnewyddu, bydd yr Awdurdod yn ymgynghori gyda'r awdurdodau priodol a pherthnasol / personau sydd â diddordeb ac a restrwyd yn Atodiad B.

*Bydd ceisiadau i adnewyddu fel arfer yn cael eu prosesu heb ymgynghori oni bai bod newid o ran amgylchiadau, neu fod materion sydd wedi achosi pryder yn ystod tymor y caniatâd.*

#### **4. Asesu Safle**

Ni fydd Caniatadau Masnachu ar y Stryd o leoliadau sefydlog yn cael eu rhoi fel arfer os oedd unrhyw o'r canlynol yn berthnasol:

- 4.1** Y byddai lleoliad y gweithgaredd masnachu neu gwsmeriaid yn ymweld neu'n gadael y safle yn cael effaith arwyddocaol ar ddiogelwch y ffordd,
- 4.2** Lle ceir pryderon ynglŷn â'r lefel a gofnodwyd o ddamweiniau niwed personol yn yr ardal lle y bydd y gweithgaredd masnachu ar y stryd yn cael ei gynnal,
- 4.3** Y byddai unrhyw debygrwydd o niwsans oherwydd sŵn, goleuadau, arogleuon, sbwriel neu anweddau i gartrefi a busnesau yn ardal y safle masnachu ar y stryd arfaethedig,
- 4.4** Lle ceir gwrthdaro gyda Gorchmynion Traffig fel cyfyngiadau aros,



- 4.5** Mae'r safle neu'r llecyn yn rhwystro mynediad naill ai i gerddwyr neu gerbydau, llif traffig, yn rhoi cerddwyr mewn perygl pan gaiff ei ddefnyddio i bwrpasau masnachu ar y stryd,
- 4.6** Bod yr uned fasnachu yn rhwystro i ddefnyddwyr dramwyo'n ddiogel ar hyd y llwybr troed neu'r gerbydion,
- 4.7** Mae'r llecyn yn tarfu ar linellau gwelededd unrhyw berson sy'n defnyddio'r ffordd megis wrth groesffyrdd neu gyfleusterau croesi i gerddwyr,
- 4.8** Nad yw'r safle'n caniatáu i Ddeilydd y Caniatâd, staff a chwsmeriaid barcio mewn ffordd ddiogel,
- 4.9** Pan mae'r gweithgaredd masnachu ar y stryd i ddigwydd ar ôl iddi dywyllu ac nad yw'r safle wedi ei oleuo'n ddigonol i ganiatáu i bobl fynd i mewn ac allan yn ddiogel o'r safle, yn gwsmeriaid a staff.

## **5 Archwilio'r Uned Masnachu ar y Stryd**

Bydd y cerbyd, fan, trelar, stondin neu ddyfais arall sydd i'w defnyddio ar gyfer y gweithgaredd masnachu ar y stryd arfaethedig yn cael ei archwilio gan Swyddog Awdurdodedig o'r Cyngor cyn y rhoddir unrhyw Ganiatâd Masnachu ar y Stryd a rhaid iddynt gydymffurfio ym mhob ffordd gyda'r ddeddfwriaeth berthnasol.

### **6 Penderfynu ar y Cais**

Bydd y Pwyllgor Trwyddedu a Swyddogion ar sail ddirprwyedig yn penderfynu ar bob cais ar ei rinweddau ond yn arbennig, byddant yn rhoi sylw i'r canlynol.

#### **6.1 Diogelwch y Cyhoedd**

Ni ddylai lleoliad y gweithgaredd masnachu arfaethedig ar y stryd gyflwyno risg sylweddol i'r cyhoedd yn nhermau diogelwch y ffordd, rhwystr a pherygl tân. Mae'r term "cyhoedd" yn cyfeirio at y cwsmeriaid fydd yn mynychu'r gweithgaredd masnachu ar y stryd ac aelodau eraill o'r cyhoedd fydd yn defnyddio'r stryd. Yn benodol, byddir yn rhoi sylw i'r cyfarwyddiadau a nodir yn Adran 2 dan Egwyddorion masnachu ar y stryd.

#### **6.2 Trefn Gyhoeddus ac Ymddygiad Gwrthgymdeithasol**

Ni ddylai'r gweithgaredd masnachu ar y stryd gyflwyno risg i drefn gyhoeddus dda yn yr ardal y mae wedi ei lleoli. Byddir yn cymryd unrhyw sylwadau gan Heddlu Gogledd Cymru a Diogelwch Cymunedol i ystyriaeth o dan y pennawd hwn.

#### **6.3 Atal Niwsans**

Ni chaniateir i'r gweithgaredd masnachu ar y stryd gyflwyno unrhyw debygrwydd o niwsans yn codi o sŵn, goleuni, arogleuon, sbwriel nac anweddau i gartrefi a busnesau yn yr ardal lle bwriedir masnachu ar y stryd. Byddir yn cymryd sylwadau gan Swyddogion yr Awdurdod i ystyriaeth o dan y pennawd hwn.

#### **6.4 Anghenion yr Ardal**

Ni chaniateir i'r gweithgaredd masnachu ar y stryd fod mewn cystadleuaeth uniongyrchol, o ran y nwyddau a werthir yn bennaf, gyda siopau adwerthu sydd gerllaw na bwytai na siopau sy'n gwerthu prydau poeth, masnachwyr stryd eraill neu farchnadoedd ac ni chaniateir iddynt gael eu lleoli o fewn 100 metr i eiddo o'r fath. Fe all hyn gael ei ganiatáu ar gyfer ceisiadau unwaith yn unig neu dymor byr.

CC-14562-LB/193934

Bydd nifer y masnachwyr mewn unrhyw stryd yn cael ei gyfyngu er mwyn osgoi cael gormod o lefydd gwerthu ac i sicrhau nad fydd masnachu gormodol yn cael effaith ar fwynderau'r ardal.

Ni fydd caniatâd yn cael ei roi ond os yw'r awdurdod neu'r caniatâd sydd ei angen dan unrhyw ddeddfwriaeth arall eisoes wedi ei sicrhau ar gyfer y gweithgaredd. Mae hyn yn cynnwys caniatâd cynllunio, trwydded eiddo lluniaeth yn hwyr gyda'r nos, cofrestriad eiddo bwyd, cytundeb gwaredu gwastraff. Dylai ymgeiswyr wneud ymholiadau gyda'r awdurdod priodol cyn cyflwyno cais i fasnachu ar y stryd.

### **6.5 Sylwadau Ymgylchreol**

Mewn perthynas â'r pwyntiau uchod byddir hefyd yn rhoi ystyriaeth i sylwadau ysgrifenedig gan ymgylchreol a bydd unrhyw wrthwynebiadau a geir i'r gweithgaredd masnachu arfaethedig ar y stryd yn cael eu hystyried o ran eu perthnasedd a'u priodoldeb i'r cais a wnaed.

### **6.6 Oriau Masnachu a Ganiateir**

Ni fydd yr Awdurdod fel arfer ond yn caniatáu masnachu ar y stryd rhwng 6am a 11pm ar unrhyw ddiwrnod a rhwng 8am a 10pm mewn ardaloedd preswyl. Bydd masnachu ar y stryd y tu allan i'r oriau hyn yn cael ei asesu o ran trefn gyhoeddus, diogelwch y cyhoedd, trosedd ac anrhefn ac osgoi niwsans a meini prawf anghenion yr ardal y manylwyd arnynt uchod.

Pe bai'r masnachu yn cynnwys cyflenwi bwyd poeth neu ddiod ar ôl 11pm bydd angen cael trwydded eiddo lluniaeth yn hwyr y nos hefyd. Mae'r Awdurdod yn cadw'r hawl i bennu'r oriau masnachu a ganiateir sydd yn llai na'r rhai a nodwyd uchod, os bydd amgylchiadau lleol yn mynnu hynny.

## **7 Gwrthwynebiadau i'r cais**

Cyfeirir y cais i'r Pennaeth Gwarchod y Cyhoedd i'w benderfynu fel arfer os derbyniwyd gwrthwynebiadau ysgrifenedig perthnasol gan unrhyw un o'r isod:

- Yr Awdurdod Prifffyrdd
- Gwasanaethau Eiddo
- Safonau Masnach
- Iechyd yr Amgylchedd
- Gwasanaethau Cynllunio
- Datblygu Economaidd
- Heddlu Gogledd Cymru
- Gwasanaeth Tân ac Achub Gogledd Cymru
- Perchennog y tir lle bwriedir masnachu ar y stryd
- Aelodau Etholedig Cyngor Sir Ynys Môn ar gyfer y Ward berthnasol
- Deiliaid eiddo sydd o fewn 100 metr i'r safle arfaethedig

## **8 Cymeradwyo Ceisiadau**

Gall y Pennaeth Gwarchod y Cyhoedd neu swyddogion dirprwyedig gymeradwyo ceisiadau sy'n cwrdd â'r meini prawf a amlinellir yn y Polisi hwn.

Ar ôl cymeradwyo'r cais, bydd yr Awdurdod yn cyhoeddi Caniatâd i Fasnachu ar y Stryd. Bydd amodau ynghlwm wrth y caniatâd hwnnw, gan gynnwys telerau penodol megis ar ba ddyddiau ac am ba gyfnodau y gellir masnachu ar y stryd a'r nwyddau y gellir eu gwerthu. Gosodir amodau safonol yr Awdurdod hefyd ar y caniatâd fel sy'n digwydd gyda'r holl Ganiatadau i Fasnachu ar y Stryd.

Mae'r amodau sydd ynghlwm wrth y Caniatâd yn rhan annatod o'r caniatâd i fasnachu ar y stryd a **RHAID** cydymffurfio â nhw bob amser. Gall peidio â chydymffurfio fod yn drosedd, a / neu byddai modd dirymu'r caniatâd neu beidio â'i adnewyddu.

## **9 Cyhoeddi/Adolygu Caniatadau i Fasnachu ar y Stryd**

Rhoddir Caniatadau i Fasnachu ar y Stryd am hyd at 12 mis ar y mwyaf a bydd raid eu hadnewyddu ar y dyddiad a benodir yn y Caniatâd. Gellir rhyddhau Caniatadau hefyd am gyfnodau byrrach.

Bydd y Caniatadau penodol hyn yn dod i ben, oni bai y cânt eu hadnewyddu, ar y dyddiad a benodir yn y Caniatâd.

Ym mhob achos pan fo'r Caniatâd wedi dod i ben, ac os na wnaed cais i'r Cyngor i adnewyddu'r Caniatâd, bydd raid gwneud cais o'r newydd. Mewn achosion o'r fath bydd raid i'r cais fynd trwy'r broses lawn a amlinellir yn y Polisi hwn.

Oni fydd banc yn anrhydeddu siec, neu os na fydd debyd uniongyrchol yn cael ei dalu, bydd hynny'n golygu y bydd y Cyngor yn diddymu'r Caniatâd i Fasnachu ar y Stryd oni bai bod y ddyled yn cael ei thalu mewn arian parod cyn pen 5 niwrnod gwaith.

Gall y Cyngor adolygu caniatâd:

Os yw "parti sydd â diddordeb" neu "awdurdod perthnasol" yn gwneud sylwadau bod deilydd y caniatâd yn torri amcanion polisi  Neu

Os yw deilydd y drwydded wedi ei gael yn euog o drosedd neu os ystyrir ei fod yn anaddas am unrhyw reswm arall.

Bydd y Pwyllgor Trwyddedu yn ystyried y sylwadau ac os bydd yn penderfynu felly, gall ychwanegu amodau neu atal neu ddiddymu'r caniatâd.

## **10 Gwrthod Ceisiadau ac Apeliadau**

Os bydd y Pennaeth Gwarchod y Cyhoedd yn ystyried gwrthod cais, hysbysir yr ymgeisydd yn ysgrifenedig o'r rhesymau ac byth siawns ir ymgeisydd doddi manylion neu gwybodaeth ychwanegol i cefnogi y cais ymhellach.

Bydd y Pwyllgor yn penderfynu ar geisiadau bob amser trwy:

1. Ystyried pob cais yn ôl ei rinweddau.
2. Defnyddio'r Polisi hwn i asesu ceisiadau lle mae'n briodol gwneud hynny.
3. Delio gyda'r gwrandawriad mewn ffordd ddiduedd a chytbwys.
4. Sicrhau bod rheolau cyfiawnder naturiol yn cael eu gweithredu ym mhob gwrandawriad a gynhelir.

CC-14562-LB/193934

5. Rhoi cyfle i'r holl bartïon gyflwyno eu hachosion, gofyn cwestiynau a chyflwyno gwybodaeth i'w hystyried i gefnogi eu cais neu eu gwrthwynebiad.

Nid yw'r Ddeddfwriaeth yn rhoi hawl apêl statudol i'r Llys Ynadon mewn perthynas ag unrhyw benderfyniad a wnaed ynghylch caniatâd i fasnachu ar y stryd. Os yw ymgeiswyr yn teimlo eu bod wedi cael cam, gallant ystyried gwneud cais am Adolygiad Barnwrol ynghylch y drefn a'r gofynion ar gyfer penderfyniad teg a'r angen am resymeg glir yn y ffordd y mae'r Awdurdod wedi ystyried y mater a dod i'w benderfyniad.

## **11 Gwybodaeth Gyffredinol am Ganiatadau i Fasnachu ar y Stryd**

### **11.1 Ildio neu Ddirymu Caniatâd**

Gall y deilydd ildio Caniatâd ar unrhyw adeg, neu fe all yr Awdurdod ei ddirymu ar unrhyw adeg. Os caiff y Caniatâd ei ddirymu, ni fydd yr Awdurdod mewn unrhyw amgylchiadau o gwbl yn gyfrifol am dalu unrhyw iawndal i'r deilydd mewn perthynas â dirymu o'r fath.

Rhaid i'r deilydd ddychwelyd y Caniatâd i Fasnachu ar y Stryd i'r Awdurdod ar unwaith wedi iddo ei ildio neu ar ôl iddo gael ei ddirymu.

### **11.2 Ad-dalu Ffioedd**

Ad-delir y ffi i Ddeilydd Trwydded os yw'n rhoi gorau i fasnachu ac yn ildio'r Caniatâd i'r Awdurdod. Bydd swm yr ad-daliad yn gwbl seiliedig ar y dyddiad pryd y cafodd y Caniatâd ei ildio i'r Awdurdod. Ni fydd y ffi ymgeisio yn cael ei had-dalu a bydd union swm yr ad-daliad yn cael ei gyfrifo ar sail nifer y dyddiadau masnachu sydd ar ôl yn y Caniatâd.

## **12 Mynediad gan yr Awdurdod a Swyddogion yr Heddlu**

Dylai Deilydd Trwydded ganiatáu mynediad i Swyddogion Awdurdodedig yr Awdurdod a Swyddogion yr Heddlu ar bob adeg resymol. Bydd gan Swyddogion yr Awdurdod gardiau adnabod gyda nhw a byddent yn eu dangos, ar gais, fel cadarnhad swyddogol.

## **13 Masnachu ar y Stryd - Camau Gorfodaeth**

Bydd yr Awdurdod yn gorfodi darpariaethau'r Cynllun Masnachu ar y Stryd o fewn ei ardal ac mewn modd teg a chyson. Wrth wneud hynny bydd yr holl gamau gorfodaeth yn cydymffurfio gyda Pholisi Gorfodaeth yr Adran Gwarchod y Cyhoedd. Mae copiau o'r polisi ar gael ar wefan yr Awdurdod.

**Nid yw** caniatâd i fasnachu ar y stryd yn:

- Caniatáu masnachu y tu allan i delerau'r Caniatâd.
- Cael blaenoriaeth dros gyfyngiadau parcio neu unrhyw reoliadau traffig eraill.

Fe ddisgwylir i'r ymgeisydd sicirhau bod y caniatad delfydol ger llaw ac

- Awgrymu cymeradwyaeth gan yr awdurdod priffyrdd neu unrhyw berson neu awdurdod arall.
- Awgrymu nad oes angen caniatâd cynllunio.
- Awgrymu nad oes raid i'r uned dalu trethi busnes.

Cwynion am y Gwasanaeth

Mae gan yr Awdurdod drefn gytunedig ar gyfer delio gyda chwynion am y gwasanaethau y mae'n eu darparu. Os ydych yn dymuno cwyno am y Gwasanaethau Masnachu ar y Stryd fe ddylech, yn y lle cyntaf, gysylltu â:

Y Pennaeth Gwarchod y Cyhoedd, Cyngor Sir Ynys Môn, Swyddfeydd y Cyngor, Llangedfni, Ynys Môn, LL77 7TW. Rhif ffôn 01248 752840.

Oni fydd modd datrys y mater, rhoddir cyngor ar sut y gellwch fwrw ymlaen gyda'ch cwyn dan Gynllun Cwynion y Cyngor.

Daw'r Polisi hwn i rym ar 1 Ebrill 2015.

Yn unol ag Atodlen 4 Deddf Llywodraeth Leol (Darpariaethau Amrywiol) 1982, fe gysylltodd yr Awdurdod yn llawn gyda'r cyrff, y busnesau a'r grwpiau a nodir ynddi cyn cyhoeddi'r Polisi hwn.

Bydd yr Awdurdod yn adolygu'r Polisi pryd bynnag yr ystyrir bod materion perthnasol wedi codi.

#### **Atodiad A**

Ystyrir y "strydoedd" a ganlyn fel "Strydoedd/Ardaloedd gwaharddedig" lle na chaniateir unrhyw fasnachu dan unrhyw amgylchiadau fel y gorchmynnir gan Asiantaeth Cefnffyrdd Gogledd a Chanolbarth Cymru mewn cydweithrediad gyda Llywodraeth Cymru.

Ffordd Prosiect DBFO yr A55 o Borthladd Caergybi i Gyffordd 11, Llandygai.

Mae hyn hefyd yn cynnwys yr A5 dros Bont Menai i Gylchfan Britannia, Porthaethwy ac ymlaen heibio'r cilfannau gwylfan i gyffordd 8A yn Llanfairpwll.

#### Atodiad B

##### Rhestr Ymgynghori

- Yr Awdurdod Priffyrdd
- Gwasanaethau Eiddo
- Safonau Masnach
- Gwasanaethau Cyhoeddus
- Iechyd yr Amgylchedd
- Gwasanaethau Cynllunio
- Datblygu Economaidd
- Heddlu Gogledd Cymru
- Gwasanaeth Tân ac Achub Gogledd Cymru
- Perchennog y tir lle bwriedir masnachu ar y stryd
- Aelodau Etholedig Cyngor Sir Ynys Môn

Bydd manylion Polisi Masnachu ar y Stryd yn cael ei hysbysu yn y wasg lleol

#### Atodiad C

|   | Diwrnod | Wythnos | Mis     | Tymhorol<br>3&6 mis    | Blynyddol |
|---|---------|---------|---------|------------------------|-----------|
| <b>Manwerthu<br/>ac Arlwyio<br/>Parhaol</b> | £50.00  | £150.00 | £225.00 | £650.00 &<br>£1,200.00 | £1,800.00 |
| <b>Unedau<br/>Symundol</b>                  |         |         |         |                        | £1,000.00 |
| <b>Hyrwyddo</b>                             | £30.00  | £75     | £150.00 | N/A                    | N/A       |

|  |  |  |  |  |  |
|--|--|--|--|--|--|
|  |  |  |  |  |  |
|--|--|--|--|--|--|

*Efallai y bydd modd talu'r ffioedd blynyddol trwy ddebyd uniongyrchol. Mae yna gyfran o'r ffi o £100 nad oes modd ei had-dalu ar gyfer yr holl geisiadau ac eithrio gwerthiannau ar raddfa fechan ac unigolion sy'n gwneud cais am hyrwyddo.*

Atodiad D

## **Masnachu ar y Stryd – Amodau Cyffredinol**

Bydd raid i Ddeilydd y Caniatâd ac unrhyw weithwyr:

- arddangos yr Hysbysiad Caniatâd a gyhoeddir gan yr Awdurdod ar yr uned / cerbyd mewn lle cwbl amlwg.
- rhoi gwybod i'r Rheolydd Trwyddedu ar unwaith am unrhyw euogfarnau neu achosion sy'n codi o'r defnydd neu o'r mwynhad o'r Caniatâd, neu o unrhyw drosedd arall a gyflawnwyd.
- cydymffurfio a glynu wrth unrhyw gyfarwyddiadau mewn perthynas â'r defnydd o'r stryd neu'r llecyn cyhoeddus gan swyddog awdurdodedig yr Awdurdod.
- indemnio'r Awdurdod mewn perthynas â'r holl hawliadau, achosion, galwadau neu gostau sy'n codi o'r Caniatâd hwn, gan na fydd unrhyw beth yn yr amodau hyn yn esgusodi Deilydd y Drwydded neu ei weithwyr neu ei asiant rhag cyflawni unrhyw ddyletswydd neu gyfrifoldeb cyhoeddus.
- cynnal Polisi Yswiriant Atebolrwydd Cyhoeddus Trydydd Parti bob amser er bodd yr Awdurdod a chynhyrchu tystysgrif ddilys o unrhyw yswiriant o'r fath ar unrhyw adeg ar gais swyddog awdurdodedig y Cyngor.
- rhoi tystiolaeth ysgrifenedig foddhaol i'r Awdurdod bod perchennog y tir neu'r lesddeiliad wedi rhoi caniatâd ar gyfer y gweithgaredd i fasnachu ar y stryd.
- Darparu prawf o unrhyw ganiatadau sydd eu hangen ar gyfer y gweithgaredd masnachu ar y stryd, e.e. caniatâd cynllunio, trwydded lluniaeth gyda'r hwyr, cytundeb cael gwared ar wastraff. Ni chaiff Deilydd y Caniatâd aseinio, is-osod neu gael gwared ar ei ddi-ddordeb neu ei feddiant dan y Caniatâd hwn neu unrhyw ran ohono, ond gall ei ildio i'r Cyngor ar unrhyw adeg.

Gall y Cyngor amrywio'r Amodau sydd ynghlwm wrth y Caniatâd ar unrhyw adeg.

## **Amgylchiadau'r Safle**

Pan fydd yn gweithredu ar safle sefydlog bydd raid i Ddeilydd y Drwydded:

- sicrhau nad yw unrhyw fyrddau neu rybuddion hysbysebu ond yn cael eu gosod yn agos iawn i'r safle masnachu ac nad ydynt yn fwy na 750mm x 450mm a bod o leiaf 2m ar gyfer rhwydd hnt i gerddwyr ac nad ydynt yn ymyrryd gyda llinellau gweld neu'n rhwystro mynediad i gerbydau.
- cadw'r safle masnachu a'r ardal o'i gwmpas yn dwt ac yn lân yn ystod yr oriau y caniateir masnachu a gadael yr ardal yn dwt ac yn lân ac yn ddirwystr ar ddiwedd pob diwrnod ac yn unol â thelerau'r Caniatâd hwn.
- darparu a chynnal ar eu cost eu hunain, gynwysyddion gwastraff digonol ar gyfer sbwriel a sicrhau nad ydynt yn cael eu gorlenwi.

- Clirio sbwriel a gwastraff masnachol sy'n codi o'r gweithgareddau ar y safle ac o fewn 100 metr i'r uned fasnachu pob dydd a chael gwared arno trwy gytundeb cael gwared ar wastraff.
- Gwneud darpariaethau sydd raid wrthynt i rwystro gadael gwastraff solet neu hylifol ar unrhyw stryd neu mewn lle cyhoeddus.

Pan fo'n gweithredu ar safle sefydlog, ni chaniateir i Ddeilydd y Caniatâd:

- gael gwared ar unrhyw ddŵr neu elifiant o'r gweithgaredd masnachu ar y stryd i gwrs dŵr neu system ddraenio.
- darparu cerddoriaeth, llais, clychsain neu unrhyw ddarllediadau eraill o safle'r caniatâd ac y gallir eu clywed o bellter sy'n fwy na 5 metr o'r safle.
- gosod byrddau neu rybuddion hysbysebu ar unrhyw golofn golau stryd.
- gwneud unrhyw waith cloddio neu altro, neu osod neu leoli unrhyw offer o unrhyw fath ar wyneb y stryd, neu ar dir ym mherchnogaeth yr Awdurdod sy'n gyfagos i'r stryd.
- rhoi ar y stryd neu mewn lle cyhoeddus, unrhyw ddodrefn neu offer ac eithrio'r rheini a ganiateir gan y Caniatâd, a bydd raid sicrhau bod unrhyw eitemau o'r fath a osodir yn cael eu cadw'n lân ac yn daclus ac ni chaniateir eu gosod mewn man a fydd yn rhwystro mynediad i unrhyw adeiladau.
- caniatáu sŵn o'r offer a ddefnyddir mewn perthynas â'r gweithgaredd i fasnachu ar y stryd i fod yn glywadwy y tu mewn i unrhyw anheddau cyfagos.

### **Troseddau**

Mae'n drosedd dan Adran 10 Deddf Llywodraeth Leol (DA) 1982 i fasnachu heb drwydded neu i dorri telerau trwydded o'r fath a gallir rhoi dirwy o hyd at £1000.

### **Amodau Masnachu**

Bydd raid i Ddeilydd y Caniatâd:

- gael gwared ar unrhyw unedau masnachu sefydlog, cerbydau neu gyfarpar arall sy'n gysylltiedig â'r gweithgareddau masnachu ar y stryd o'r safle ar ddiwedd pob diwrnod masnachu.
- talu'r holl ffioedd masnachu ar y stryd pan font yn ddyledus.

Ni chaiff Deilydd y Caniatâd:

- gynnal unrhyw weithgareddau masnachu ar y stryd ac eithrio'r rheini y rhoddwyd Caniatâd ar eu cyfer.
- masnachu y tu allan i'r amser a'r dyddiau a nodir yn y Caniatâd.
- masnachu mewn ffordd sy'n debygol o achosi rhwystr ar unrhyw ran o'r stryd neu'r llecyn cyhoeddus; achosi niwed i unrhyw berson sy'n defnyddio'r stryd neu'r lle cyhoeddus; achosi difrod i unrhyw eiddo yn y stryd neu'r lle cyhoeddus neu achosi niwsans neu flinder i bobl sy'n defnyddio'r stryd neu'r lle cyhoeddus, neu i sŵn o weithgareddau masnachu fod yn glywadwy mewn adeiladau cyfagos.
- caniatáu i unrhyw berson weithredu o fewn telerau'r Caniatâd, ac eithrio unigolion a gyflogir gan ddeilydd y caniatâd ac sy'n gweithredu dan ei gyfarwyddiadau neu ei oruchwyliaeth.

### **Masnachu Symudol**

Rhoddir caniatâd ar y sail na chaiff masnachwr symudol fasnachu o safle am fwy na 60 munud a pheidio â dychwelyd i'r un safle cyn pen 2 awr.



Gall unedau symudol sy'n gwerthu hufen iâ ac ati chwarae clychseiniau yn unol â'r Cod Ymarfer ar Sŵn o Glychseiniau Faniau Hufen lâ ac ati. 1982, ond nid cyn hanner dydd nac ar ôl 7pm ar unrhyw ddiwrnod ac nid pan fo'r cerbyd yn llonydd.

Ni chaiff Unedau Symudol:

- fasnachu o fewn 500 metr i ffin unrhyw ysgol uwchradd.
- achosi niwsans o sŵn, golau, arogleuon, sbwriel neu anweddau i aelwydydd a busnesau tra bônt yn llonydd.
- darparu cerddoriaeth neu unrhyw ddarllediadau eraill pan fônt yn llonydd ac sy'n glywadwy yn bellach na 5 metr o'r safle.
- gweithredu uchelseinyddion mewn stryd rhwng 9pm ac 8am, nac ar unrhyw amser arall ar gyfer hysbysebu unrhyw adloniant, masnach neu fusnes.

### **Darpariaethau Cyfreithiol**

Ni fydd unrhyw beth yn yr amodau hyn yn esgusodi neu'n rhyddhau Deilydd y Drwydded neu ei weithwyr neu ei asiantiaid rhag cyflwyno unrhyw ddyletswydd neu gyfrifoldeb cyfreithiol a bydd raid i Deilydd y Drwydded gydymffurfio â'r ddeddfwriaeth berthnasol a fo mewn grym bob amser.

**Mae Masnachwr Stryd Sefydlog** yn golygu masnachwr sydd wedi cael caniatâd gan yr Awdurdod i fasnachu o leoliad penodol.

**Mae Masnachwr Symudol** yn golygu masnachwr sy'n symud o stryd i stryd.

**Mae Swyddog Awdurdodedig** yn golygu swyddog a gyflogir gan yr Awdurdod ac a awdurdodir gan yr Awdurdod yn unol â darpariaethau Deddf Llywodraeth Leol (Darpariaethau Amrywiol) 1982.

**Mae Awdurdod Perthnasol** yn golygu'r cyrff neu'r bobl a benodir yn Atodiad B y polisi hwn.

**Gwerthu Cerbydau o fewn ardal ganiatâd** - mae unigolyn nad oes ganddo ganiatâd ysgrifenedig gan yr Awdurdod i werthu, cynnig neu drefnu i werthu nwyddau mewn stryd "ganiatâd" yn cyflawni trosedd dan delerau Deddf 1982. Yn ogystal, gall fod yn cyflawni trosedd dan Deddf Priffyrdd 1980 a Deddf Cymdogaethau Glan a'r Amgylchedd 2005. Gall cynnig cerbyd ar gyfer ei werthu heb nodi ei fod yn cael ei werthu yng nghwrs busnes dorri Ddeddf Reoliadau Diogelu'r Defnyddiwr rhag Fasnachu Annheg (2008)

# ATTODIAD B

## CYNGOR SIR YNYS MÔN (Y “Cyngor”)

### CYNLLUNIO A GWARCHOD Y CYHOEDD

#### CANIATAD MASNACHU AR Y STRYD

##### AMODAU CYFFREDINOL

1. Rhaid cyflwyno cais am Ganiatad i Fasnachu ar y Stryd yng nghyswllt cerbyd arbennig (‘y cerbyd’) ar ffurflen a ddarperir gan y Cyngor, wedi’i chwblhau ac yn gywir ym mhob manylyn, i’r Cyngor.  
  
Ni chaniateir i unrhyw berson o dan 17 mlwydd oed wneud cais.
2. Bydd y Caniatad Masnachu ar y Stryd a roddir (“Caniatad Masnachu”) yn un personol i’r ymgeisydd yn unig (“Deiliad y Caniatad”) ac ni fydd modd ei werthu i berson arall nac i berson arall ei ddefnyddio.
3. Bydd Caniatad Masnachu yn ddilys am ddeuddeng mis o’r dyddiad y rhoddir nhw.
4. Rhaid i ddeiliad y Caniatad sicrhau:
  - 4.1 nad oes masnachu’n digwydd ar y Llecyn Masnachu (diffinir hyn ar y ffurflen gais) y tu hwnt i’r cyfnod rhwng 8.00a.m. a machlud yr haul (yr “Oriau Masnachu”);
  - 4.2 nad ydy’r cerbyd wedi’i barcio ar y Llecyn Masnachu uchod y tu hwnt i’r Oriau Masnachu;
  - 4.3 nad oes yna’r un person o dan ddwy ar bymtheg oed yn cael ei gyflogi yn y busnes masnachu ar y stryd nac mewn cysylltiad ag o, ar y Llecyn Masnachu uchod;
  - 4.4 mai bwyd a diod yn unig a werthir ar y Llecyn Masnachu uchod;
  - 4.5 nad ydy’r costau a godir gan Ddeiliad y Caniatad ar y Llecyn Masnachu yn fwy, ar unrhyw adeg, na’r costau arfaethedig hynny a gyflwynwyd i’r Cyngor hefo’i ffurflen gais oni fydd costau uwch yn cael eu cyflwyno i’r Cyngor a’u caniatad ganddynt, a nes bydd hynny’n digwydd;
  - 4.6 bod y costau a godir yn cael eu harddangos yn glir ar y cerbyd bob amser, pan fydd y cerbyd yn cael ei ddefnyddio i Fasnachu;

- 4.7 bod bin sbwriel heb fod yn llai na thair troedfedd ciwbig yn cael ei ddarparu o fewn dwy lath i'r Llecyn Masnachu uchod;
  - 4.8 bod yr holl sbwriel o fewn radiws o bymtheg troedfedd i'r Llecyn Masnachu uchod yn cael ei gasglu ddwywaith bob dydd a'i roi mewn sachau sbwriel plastig i'w ddarparu gan Ddeiliad y Caniatad; rhaid casglu'r sbwriel am y tro cyntaf cyn 2 o'r gloch y prynhawn a'r ail gasgliad yn syth ar ol gorffen gweithio bob dydd; bydd y sbwriel a gasglwyd, gan gynnwys cynhwysion y bin sbwriel, yn cael ei gadw a'i waredu ar gost y Deiliad o dan Ddyletswydd Gofal, Deddf Gwarchod yr Amgylchedd 1990.
  - 4.9 na fydd radio, cassette, chwaraewyr recordiau nac offer sain arall yn cael eu defnyddio yn y cerbyd, nac ar neu ger y Llecyn Masnachu;
  - 4.10 bod yswyriant cyfun wedi'i godi ar gyfer y cerbyd bob amser;
  - 4.11 nad oes bwrdd hysbysebu nac arwydd yn cael eu codi yn unrhyw le ar y briffordd, i hysbysebu'r gwasanaethau a ddarperir ar y Llecyn Masnachu uchod.
5. Os bydd unrhyw un o'r amodau uchod yn cael eu torri ac oni fydd Deiliad y Caniatad yn cymryd camau i gydymffurfio a nhw o fewn pymtheg niwrnod ar ol cael clywed gan y Cyngor ei fod wedi torri amod(au), gall y Cyngor ddod a'r Caniatad Masnachu i ben ar unwaith heb orfod talu unrhyw gyfran o'r ffi a dalwyd gan Ddeiliad y Caniatad, yn ol iddo.

**Codir ffi flynyddol, a bennir gan y Cyngor o bryd i'w gilydd, am bob Caniatad Masnachu.**

**Y ffi am y flwyddyn yma yw £1706, sydd i'w dalu yn llawn ar dderbyn anfoneb y Cyngor.**

**Rhoddir Caniatad Masnachu yn ol disgrisiwn y Cyngor yn unig.**

**Rhaid dychwelyd y ffurfleni, wedi eu cwblhau, i Brif Swyddog Iechyd yr Amgylchedd, erbyn hanner dydd, Dydd Mercher 5<sup>ed</sup> Mawrth 2014.**

**A.W. Owen**

**Cyfarwyddwr Corfforaethol (Amgylchedd & Gwasanaethau Technegol)**

**Chwefror 2014**